

韓詩增註
訛十一卷
証

燕薌居士題



江苏工业学院图书馆
藏书章

咸豐七年歲次丁

巳版藏四明鮑氏



余于詩雅宗仰昌黎先生而論先生詩者或有以文
爲詩之誚至直斥爲不工蓋其論始于陳后山自宋
迄明更相附和而先生之詩幾爲其文所掩而不能
自伸余竊怪說者不深考其源流而妄爲此呶呶也
夫詩自李杜勃興而格律大變後人祖述各得其性
之所近以自名家獨先生能盡啓祕鑰優入其域非
餘子可及顧其筆力放恣橫從神奇變幻讀者不能
窺究其所從來此異論所以繁興而不自知其非也
余覃精旣久欲奉其詩集單行于世以埽除異論而
考諸箋注諸家或詳略失宜且多所舛誤夫考核之
不審又烏從挾其用意所存而討論其源流不揣固

陋妄加校定更閱數歲至今春廼獲成書遂刻諸家
塾以質諸世之君子時康熙三十有八年歲在己卯
春三月上巳前一日長洲顧嗣立書于閭丘小圃之
秀野艸堂

後序

先勤敏公宗仰昌黎先生之詩以各家注
雖稱完備然猶有遺漏且引據有未詳確
者故自乾隆壬辰迨道光辛卯日事丹鉛
點勘不憚廣搜博覽以增其未備証其謬
舛垂六十年所著乃成洵有功于韓子可
以公諸同好矣乃猶不自信久藏篋笥未
遽以示人也辛丑見背後余念是書為勤
敏公畢生精力所集未可淹沒不韋竊思
付梓以垂不朽卒以貧故不果鬱鬱者八

年於茲矣甲辰冬余承乏草堰廉俸稍裕
遂得節衣縮食勉力以竟成此志今夏開
雕於廣陵之二酉堂凡原本前叙凡例本
傳年譜目錄及各家注一一均如其舊惟
增注証謚特鐫諸書之上方俾閱者便於
區別余不肖未克荷承先業而校讐之役
不敢不勉茲計工成於冬之十一月自是
旨備詞詳信今傳後蓋不第長存手澤永
讀父書已也道光歲次戊申子月男中民
謹序

凡例

昌黎先生全集箋注家向傳有洪興祖年譜辨證樊
汝霖譜注孫汝聽韓醇劉崧全解祝克音義蔡元定
補注宋慶元間魏仲舉哀而集之名曰五百家注至
寶慶三年王伯大留畊氏更定音釋一書集諸家之
善參以方崧卿舉正增攷年譜及朱子校本考異刊
于南劔官舍是書一出而魏注遂廢後復有某氏者
仿朱子離騷集注例悉削去諸家姓氏彙輯羣說自
爲一書其所增益頗多即今所傳明季東雅堂徐氏
翻刻本也翫其詞氣大約出自朱門弟子之手而其
人不傳良可惋惜余是刻採擇諸家箋注復參以臆

見所得其時事則考諸新舊二唐書舊本存者約計
十之四五云

公詩用事宏博然皆以經史傳注為主或旁採莊列
荀揚諸子故凡釋典道藏稗官小說諸書概不敢誇
多鬪靡闌入注中也

舊注所引有書可據則不復詳姓氏其或各抒新見
闡揚詩意仍照留畊王氏刻本各注某云于上至東
雅堂所見則用□云以別之

朱子考異一書辨證精確其有意義兩通者則每句
下注曰一本作某字其顯然差謬者則注曰非是今
全文仍遵考異而注一作某字于每字下其果非是

者竟爲刪去

是集音釋向有新安張敦頤音辯留畊王氏爲之增定最稱詳備但舊本注于每句下今依朱子詩傳例即注于每字下欲學者便于成誦爾

諸家舊注不無舛錯如薦士詩王伯大誤以貞元十一年爲鄭餘慶尹河南日遊青龍寺詩云何人有酒身無事韓醇不知是用史記陳軫傳而引後漢書孔文舉語贈劉師服詩云虞翻十三比豈少遂自惋恨形于書方崧卿不知出自吳書而以吳志翻上書有臣年耳順髮白齒落之語爲疑病中贈張十八詩云龍文百斛鼎孫汝聽不知出自班孟堅寶鼎詩而漫

引史記秦武王與孟說舉龍文之鼎此其譌謬更甚
略舉一二可以例其餘也

隴西李漢編定公全集共四十卷首列詩集十卷得
古詩二百一十首聯句十一首律詩一百六十首今
序次悉仍其舊復採入外集詩五首遺詩十六首更
于文集中如鄆州谿堂詩送張道士送鄭十校理送
汴州監軍俱文珍石鼎聯句諸作合為一卷總附于
後

公生平事略悉寓篇章今特參攷新舊唐書本傳增
訂洪氏方氏年譜各為一卷列諸卷首讀者按其歲
月稽其出處可也

舊注所載古今詩話皆足發明詩旨茲更採集宋元以來名公評語悉附于本詩之後其或議論不同則竊以臆見折衷之毋取曲意雷同也

近代名家如崑山顧炎武寧人長洲金居敬穀似俞瑒犀月諸公其遺書緒論有裨是集者皆為採入而晨夕商榷互相校勘則有吳廷楨山掄劉石齡介于汪份武曹汪鈞右衡張大受日容吳士玉荆山家兄嗣協迂客而郵筒往來助余不逮則德清胡渭拙明吳江吳兆宜顯令海寧查嗣璫德尹崑山徐昂發大臨與有力焉

昌黎先生詩增注証訛目錄

卷第一

古詩三十一首

元和聖德詩

并序

琴操十首

將歸操

猗蘭操

龜山操

越裳操

拘幽操

岐山操

履霜操

雉朝飛操

別鵠操

殘形操

南山詩

謝自然詩

秋懷詩十一首

赴江陵途中寄贈王二十補闕李十一拾遺

古詩三李二十六員外翰林三學士

暮行河堤上

昌黎先生集
夜歌

重雲一首李觀疾贈之

江漢一首答孟郊

長安交遊者一首贈孟郊

岐山下一首

卷第二

古詩二十九首

北極一首贈李觀

此口足可惜一首贈張籍

幽懷

君子法天運

落葉一首送陳羽

歸彭城

醉後

醉贈張祕書

同冠峽

送惠師

送靈師

縣齋有懷

合江亭

陪杜侍御遊湘西兩寺獨宿有題一首因獻

楊常侍

岳陽樓別竇司直

送文暢師北遊

答張徹

薦士

喜侯喜至贈張籍張徹

古風

駑驥

馬獸穀

出門

嗟哉董生行

烽火

汴州亂二首